

中国边疆研究资料文库·边疆史地文献初编

西南邊疆

第三輯

中国边疆研究资料文库·边疆史地文献初编

西南邊疆

第三輯

(清) 佚名撰

雲南府猺獞峒蠻考

《雲南府猺獠峒蠻考》

(清)佚名撰，民國間抄本，全書約六千字。

是書封皮題名：峒蠻土司考，記述雲南邊疆少數民族土官的設置與沿革，同時也涉及到不同民族的風土習俗和衣著飲食。其朝代上至後唐，下及清。提及的地方有廣西府（雲南瀘西）楚雄府、永昌府（保山縣）、騰越州、大理府、蒙化府、永寧府（永北）、鎮沅府、景東府、廣南府等，包括部分府屬州縣，記錄的職官有宣撫司、安撫司、土縣丞，土主簿、土巡檢、土知、土州判、土典史、土知府、土知事、土州同。名爲土，實爲朝廷命官，且多爲世襲。這種用官制度，到了清王朝中央政府對邊陲地區的集權統治和國家的統一。

雲南府猺獠峒蠻考

後唐

明宗天成元年冬十月丁亥雲南山後雨林百蠻都
鬼主來貢 按五代史明宗本紀云云 按宋史
蠻彝傳黎州諸蠻凡十二種曰山後雨林蠻在州南
七日程曰瑯部州在州東南十二程曰風琶蠻在州
西南一千一百里曰保塞蠻在州西南三百里曰三
耳蠻亦曰部落蠻在州西百里曰西箐蠻在有彌羌



部落在州西三百里曰淨浪蠻在州南一百五十里
曰白蠻在州東南一百里曰烏蒙蠻在州東南千里
曰阿宗蠻在州西南二日程凡風琶雨林邛部皆謂
之東南其餘小蠻各分隸焉邛部於諸蠻中最驕悍
狡譎招集番漢亡命侵攘他種閉其道以專利曰大
雲南蠻曰少雲南蠻即唐南詔今名大理國自有傳
各俗尚鬼謂主示者鬼主故其酋長號都鬼主後唐
天成間始來貢

宋

太子開寶三年黎州蠻勿兒來朝。按宋史太祖本紀不載。接蠻彝傳開寶二年六月壬子勿兒遣部
落將軍離魚以狀白黎州期十月內入貢成都府以
聞詔嘉答之至是來朝賜以器幣由黎州南行七日
而至其地又二程至雋州雋州今廢空城中但有浮
圖一文三程至建昌城又十七城程至雲南三年七
月又朝貢

六年兩林蠻侵你堡砦 按宋史太祖本紀不載

按蠻彝傳六年一月邛部州歸德將軍阿伏言上為

山後兩林蠻勿兀率衆投掠堡砦

八年兩林鬼主來化將軍勿尼等朝獻 按宋史太

祖本紀云 蠻彝傳八年懷化將軍勿尼等六

十餘人來貢詔 勿尼為歸德將軍又以兩林蠻大

鬼主蘇吠為懷 將軍 太宗太平興國二年黎

州兩林蠻來貢 按宋史太宗本紀云去 按本傳

太平興國三年遣使王子舉練副使等蓋鬼主還祖
等七士以名馬來貢乞頒正朔詔曰山後雨林
蠻主歸德將軍勿尼懷化將軍勿兒等克慕聲明遠
修職貢並增環衛之秩俾為彝落之榮勿尼可特授
授歸德大將軍勿兒可特授懷化大將軍是冬又遣
使雜魚貢犀三株馬九匹來賀登極

四年山後雨林蠻以名馬來獻按宋史太宗本紀
云按本傳四年勿兒與都鬼主又遣王子祚遇

以名馬來貢

八年山後兩林蠻來貢 按宋史太宗本紀云云

按本傳八年蠻主弟年昂及王子年蓋摩忙卑愧副
使年計等二百三十九人來貢詔以年昂為懷化大
將軍年蓋等三人為歸德郎將年計等百二十人並
為懷化司戈

雍熙三年勿尼復來貢焉 按宋史太宗本紀不載
按本傳雍熙三年勿尼等及其王子李奉恩復來貢

馬

淳化元年王子離魚等百二十八人來貢 按宋史

太宗本紀不載 按本傳淳化元年王子離魚副使

卑都卑諭等百二十八人來貢詔授離魚歸德將軍

卑都保順郎將卑諭歸德司戈卑熱等五十四人懷

化司戈

真宗^天禧二年山後兩林百蠻都鬼主李阿善遣使來

貢 按宋史真宗本紀云云 按蠻彝傳天禧二年

山後兩林百蠻都屯主李阿善遣將軍卑熱等一百
五十人來貢

廣西府猺獞峒蠻考

府總

楚人一名白人風俗多與漢人同知禮能守法
黑獞獞挽髻插骨簪耳著環出門則包黑帕佩刀披
氈性强悍婦人首戴長布一條繞頭三匝餘者垂後
身穿布袍前及膝後曳地無襟開服之自首籠下不
穿褲男女俱赤足阿者獞獞衣袍亦同但耳環
甚大類西番僧首戴高髻獞獞類性獷獗以死為勇

好獵亦戴耳環骨簪如黑獠獠但男子著麻衣婦人
袍裙稍短魯屋獠獠各土官土舍之官奴寨民不戴
耳環性狡猾通漢語男人亦戴帽著靴鞋穿青衣佩
刀婦人衣袍類黑獠獠但首包青綾帕俗甚淫
白獠獠俗呼為所完獠獠性柔弱善耕種髻插骨簪
戴耳環包黑帕小刀穿麻織衣披羊皮以布裹腿
赤足婦人衣袍黑獠獠但裙稍短首用青布為囊
狀類龜山山獠其俗衣袍俱同

白獠獠但語言稍異白彝性柔直善耕作蠶織居草
樓男戴帕穿兩截衣著鞋婦人頭帶花手中穿圍裙
帶大耳環圈耳環善擔負食鼠蟲犬類無犬不祀俗
呼擺衣即白彝也獠性亦柔善耕男子頭帶
帕者兩截麻衣穿鞋女入平紅布一塊上穿顏色闊
衣下穿繡邊桶裙著男鞋織亦能擔負飲食言語
習俗與白彝種家一作仲家即沙人性剛直
出入佩刀善弓好獵亦善耕種男穿青藍兩截衣頭

青怕跌足女人如男束髮插簪戴帕穿繡衣繡裙飲
食與白彝同不淫亦以劫掠為事父母亡亦知戴孝
不食肉異於諸彝耳 烏蠻唐時烏蠻別種蓬頭
披氍衣脚穿鞋性獷狽熟者牽牛戴皮赴市交易
黑蠻夔夔彝土獠沙蠻獠獠五種雜居習性獷狽據險
固守土獠得犬方祭婦人以黑線繡布裹頭纏腰獠
獠婦以布為袍圓領大袖前及膝後曳地有爭辨詣
鬼神言誓真者敢去曲者退縮黑獠獠自恃其貴而

強好爭鬪剽掠其間惟有楚人好禮讀書衣冠尚漢
俗 獾喇在水下地方多依大維摩山居住食生
物生蟲獾獐為甚